

Morning Dogri (NSD) National News Bulletin 06-04-2025

आकाशवाणी

- प्रधानमंत्री नरेन्द्र मोदी ते श्रीलंका दे राष्ट्रपति दिसानायके होर अज्ज अनुराधा पुरा च महत्वपूर्ण रेल परियोजनाएं दा उद्घाटन करगंन।
- प्रधानमंत्री नरेन्द्र मोदी तमिलनाडू च पाम्बन रेल पुल दा बी उद्घाटन करगंन।
- राष्ट्रपति द्रौपदी मुर्मु होरें वक्फ संशोधन बिल 2025 गी अपनी मंजूरी देई दित्ती ऐ।
- गृहमंत्री अमित शाह होर जम्मू कश्मीर दे त्रऊं दिनें दे दौरे पर अज्ज जम्मू पुज्जा'रदे न। दौरे दरान ओह केन्द्र शासत प्रदेश दे पूरे पराते सुरक्षा हालात दा जायजा लैने दे इलावा केई विकास परियोजनाएं दी बी शुरूआत करगंन।
- राम नोमी दा ध्यार अज्ज मुख्य भरै च पारम्पारिक श्रद्धा ते उत्साह कन्नै मनाया जा'रदा ऐ।
- भारत दे हितेष गुलिया नै ब्राजील च आयोजित विश्व कप मुक्केबाजी 2025 च सुन्ने दा तगमा जित्तेआ ऐ।

<><><><><><>

PM Srilanka

प्रधानमंत्री नरेन्द्र मोदी होर ते श्रीलंका दे राष्ट्रपति अनुरा कुमारा दिसानायके होर अज्ज श्रीलंका दे अनुराधापुरा च दो महत्वपूर्ण रेलवे परियोजनाएं दा अनावरण करगंन। दौने नेता बहुप्रतीक्षित "माहो-ओमानथार्ई" रेलवे लाइन दा उद्घाटन करगंन। इनें रेल परियोजनाएं आस्तै भारत नै मदाद दित्ती ऐ। इने रेल परियोजनाएं कन्नै श्रीलंका दे उत्तरी हिस्से शा राजधानी कोलंबो तगर दी यात्रा सखल्ली होई जाग। रेल परियोजनाएं च शामिल "माहो-ओमानथार्ई" रेलवे लाइन आस्तै भारत ते श्रीलंका गी 2720 करोड़ रुपे दा लोन दित्ते दा ऐ।

<><><><><><>

PM-Ram Noumi

प्रधानमंत्री नरेन्द्र मोदी होर अज्ज राम नोमी दे मौके पर तमिलनाडू च पाम्बन रेल पुल दा उद्घाटन करगन। एह पुल रामेश्वरम गी मुख्य भूमि कन्नै जोड़ग। दो किलोमीटर लम्मा एह पुल वारतुकला दा अदभुत नमूना ऐ ते देश दा पैह्ला वर्टिकल लिफ्ट आला पुल ऐ। प्रधानमंत्री होर अज्ज दपैहरी श्रीलंका शा परतोने दे बाद इस पुल दा उद्घाटन करगन। पुल दे उद्घाटन आस्तै सब्बने लोड़चदी तैआरियां जोरें पर न ते दो केन्द्री मंत्री अश्विनी वैष्णव ते डॉ. एल.मुरुगन होर कल थमां गै उद्घाटन आली थाहरा पर मजूद होंगन। साढ़े 5 सौ करोड़ रपे दी लागत कन्नै बने दे इस स्टील दे पुल दी भव्य सजावट कीती गेदी ऐ।

<><><><><><>

Prez Visit

राष्ट्रपति द्रौपदी मुर्मू होर पुर्तगाल ते स्लोवाकिया दे सरकारी दौरे पर कल खाना होआ करदियां न। 10 अप्रैल तोड़ी दे इस दौरे दरान ओह पुर्तगाली राष्ट्रपति मार्सेलो रेबेलो डे सऊजा हुंदे कन्नै मलाटी लांगन ते शिष्टमंडल सतह दिएं बैठकें च बी शिरकत करगन। उंदा पुर्तगाल दे प्रधानमंत्री लुइस मोनटेने ग्रो ते उत्थूं दी राष्ट्रीय असेंबली दे अध्यक्ष जोस पेडरो णगियार ब्राको हुंदे नै बी मलाटी लाने दा कार्यक्रम ऐ। एहदे बाद अपने स्लोवाकिया दौरे दरान राष्ट्रपति पीटर पैल्लेग्रिनी ते प्रधानमंत्री रोबर्ट फिको हुंदे नै दपक्खी बैठकां लांगन।

<><><><><><>

Prez Waqf

राष्ट्रपति द्रौपदी मुर्मू होरें वक्फ सेशोधन विधेयक गी मंजूरी देई दित्ती ऐ। एहदे कन्नै गै एह विधेयक हुन कनून बनी गेआ ऐ। लोकसभा च इस विधेयक दे पक्ख च 288 ते विरोध च 232 वोट पाए हे। राज्यसभा च 128 सदस्यें एहदे पक्ख च ते 95 नै एहदे विरोध च वोट पाया हा। एहदे कन्नै एह विधेयक दौनें सदनें थमां पारित होई गेआ हा।

<><><><><><>

HM J&K

केन्द्री गृहमंत्री अमित शाह हुंदा अज्ज जम्मू कश्मीर दा दौरा लाने दा कार्यक्रम ऐ। अपने दौरे दरान ओह सुरक्षा स्थिति दा जायजा लेंगन ते सुरक्षाबलें कन्नै गल्लबात करगन। अपने त्रै दिन दे दौरे दरान शाह होर बीजेपी दे विधायकें कन्नै जम्मू च बैठक लांगन।

एह्दे अलावा यूनीफाइड मुख्यालय च सुरक्षा जायजा बैठक ते सलाना श्री अमरनाथ जी दी यात्रा दी तैआरिएं दी बी समीक्षा करगन। ओह वर्चुअल माध्यम राएं केई सारी परियोजनाएं दा जम्मू कश्मीर च उद्घाटन करगन ते केइएं दा नीह पत्थर रक्खगन।

<><><><><><>

HM-Chhatisgarh

गृहमंत्री अमित शाह होरें आक्खेआ ऐ जे अगले वरे 31 मार्च सोयां पैहले छत्तीसगढ़ सनें पूरे देशै सोयां नक्सलवाद खत्म होई जाग। छत्तीसगढ़ दी राजधानी रायपुर च कल वामपंथी उग्रवाद दी स्थिति दी समीक्षा बैठक दी अध्यक्षता करदे होई गृहमंत्री होरें आक्खेआ जे प्रधानमंत्री नरेन्द्र मोदी हुन्दी अगुवाई च डबल इंजन दी सरकार नक्सलवाद गी पूरी चाल्ली खतम करने लेई हरसंभव जतन करा र दी ऐ। बैठक च छत्तीसगढ़ दे मुख्यमंत्री विष्णुदेव साय ते उप-मुख्यमंत्री विजय शर्मा हुन्दे कन्नै गृह मंत्रालय, केन्द्रीय सशस्त्र पुलिस बल ते छत्तीसगढ़ सरकार दे वरिष्ठ अधिकारी भी मौजूद हे।

<><><><><><>

Ram Noumi Ayodhya

राम नोमी दा ध्याड़ा अज्ज मुख्य दे बक्ख-बक्ख हिस्सें च पारम्पारिक धार्मिक श्रद्धा ते उत्साह कन्नै मनाया जा'रदा ऐ। राम नोमी दा ध्यार प्रभु श्री राम जी दे जन्म ध्याड़े दे तौर पर मनाया जंदा ऐ। राम नोमी चैत्र महीने दे नौमें ध्याड़े पर मनाया जंदा ऐ। राम नोमी शा पैहले हिंदू समुदाय दे लोक नौ दिनें तगर चलने आले नरातें च व्रत रक्खदे न। तोआई राम नोमी दे पावन मौके पर संसार दे बक्ख-बक्ख हिस्सें शा श्रद्धालु भगवान श्री राम जी दा जन्म ध्याड़ा मनाने गीते उंदी जन्मस्थली अयोध्या च बड़ी गिनतरी च पुज्जा करदे न। राम नोमी दे मौके पर राष्ट्रपति द्रौपदी मुर्मू ते प्रधानमंत्री नरेन्द्र मोदी होरें देशवासिएं गी राम नोमी दी मुबारकां दिथतियां न। उनें कामना कीती जे प्रभु श्री राम जी हुंदा आशीष साढ़े सब्बनें पर बने दा रवै ते साढ़ा पथ-प्रदर्शन करदा रवै।

<><><><><><>

Finance Minister ONOE

केन्द्री खजाना मंत्री निर्मला सीतारमण होरें आक्खेआ ऐ जे इक राष्ट्र इक चुनां आली बवस्था लागू होने कन्नै भारत दी विकास दर च डेढ़ प्रतिशत दा बाद्धा होग।

कल चेन्नई च इक संगोष्ठी गी संबोधत करदे होई खजाना मंत्री होरें आखेआ जे एहदे नै मुल्खे दे सकल घरेलू उत्पाद यानि जीडीपी च बी साढ़े 4 लक्ख करोड़ रुपे दा बाद्धा होने दी मेद ऐ। खजाना मंत्री होरें आखेआ जे इक्कै बारी चुनां कराने नै 12 ज्हार करोड़ रुपें दी बचत होग ते मतदान प्रतिशत च बी बाद्धा होग।

<><><><><><>

SC

सुप्रीम कोर्ट कौलेजिसम नै पंजाब ते हरियाणा हाई कोर्ट दे जज अरुण पाली होरें गी जम्मू ते कश्मीर ते लद्दाख हाई कोर्ट दा अगला मुख्ख न्यायधीश नियुक्त करने दीसिफारश कीती ऐ। मजूदा मुख्ख न्यायधीश ताशी राबस्तन होर 9 अप्रैल गी पेंशनी होआ'रदे न। मई 2023 थमां न्यायधीश पाली होर हरियाणा राज्य कनूनी सेवा प्राधिकरण दे कार्यकारी अध्यक्ष दे तौर पर सेवा देआ'रदे न।

<><><><><><>

BJP-Sathapna Diwas

बीजेपी अज्ज अपना स्थापना दिवस मना'रदी ऐ। इस मौके पर बीजेपी अध्यक्ष ते केन्द्रीय मंत्री जे.पी.नड्डा होर नमीं दिल्ली स्थित बीजेपी मुख्यालय च पार्टी दा झंडा फहरांगन। बीजेपी मूजब इस मौके पर श्री नड्डा पार्टी दे यूथ कार्यकर्ताएं कन्नै बी गल्लबात करगन। बीजेपी अध्यक्ष राष्ट्रीय राजधानी च पार्टी दे इक वरिष्ठ कार्यकर्ता दे घर बी जांगन।

<><><><><><>

Boxing

विश्व मुक्केबाजी दा सुन्ने दा तगमा भारत दे हितेष गुलिया नै जित्ती लैता ऐ। ब्राजील च मर्दे दे 70 किलोग्राम भार वर्ग दे फाइनल च हितेष नै अंग्लेंड दे ओहेल कामरा गी इक तरफा मकाबले च 5-0 कन्नै हराया। प्रतियोगिता च इक होर भारतीय मुक्केबाज अविनाश जम्वाल ते मर्दे दे 65 किलोग्राम भार वर्ग च चांदी दा तगमा जित्तेआ। भारत दे गै मनीष राठौर नै कल मर्दे दे 55 किलोग्राम भार वर्ग च कैह् दा तगमा जित्तेआ हा।

<><><><><><>

IPL

आईपीएल क्रिकेट च कल राजस्थान रॉयल्स नै पंजाब किंग्स गी हराई दिता। राजस्थान नै पैहले बल्लेबाजी करदे होई तय 20 ओवरे च 4 विकेट पर 205 रन बनाए। जवाब च पंजाब किंग्स 9 विकेट पर 155 रन गै बनाई सकी। राजस्थान आस्तै यशस्वी जायसवाल नै सब्बने थ्वा मते 67 रन बनाए। पंजाब आस्तै लॉकी फर्ग्यूसन नै दो विकेट लैते। जवाब च पंजाब किंग्स 9 विकेट पर 155 रन गै बनाई सकी। राजस्थान दी तरफा जोफ्रा आर्चर नै 3 विकेट लैते। आर्चर गी प्लेयर ऑफ द मैच चुनेआ गया। इक होर मैच च, डेविलील कैपिटल्स नै चेन्नई सुपर किंग्स गी 25 रन कन्नै हराई दिता। डेविली दे 184 रन दे लक्ष्य दे परते च चेन्नई सुपर किंग्स 158 रन गै बनाई सकी। प्रतियोगिता च अज्ज हैदराबाद च सनराइजर्स हैदराबाद दा सामना गुजरात टाइटन्स कन्नै होग। एह मैच संजा साढ़े सात बजे शुरू होग। गुजरात 3 मैचें च दो जीत कन्नै अंक-तालिका च त्री थाहर पर ऐ। हैदराबाद 4 मैचें च सिर्फ इक जीत कन्नै तालिका च सबने थ्वा हेठ ऐ।

<><><><><><>

Weather

अज्ज पश्चिमी राजस्थान, सौराष्ट्र ते कच्छ च बडी मती गर्मी ते हिमाचल प्रदेश, पूर्वी राजस्थान ते गुजरात दे किश इलाकें च लू चलने दा अनुमान ऐ। कोंकण ते गोवा दे किश इलाकें च गर्म ते उमस भरे मौसम दे आसार न। अंडमान निकोबार द्वीप समूह, केरल, माहे, तमिलनाडु, पुडुचेरी ते कराईकल च किश थाहरें पर तेज बरखा होई सकदी ऐ। मौसम विभाग नै असम, मेघालय, नागालैंड, मणिपुर, मिजोरम ते त्रिपुरा च अज्ज गरज ते बिजली चमकने कन्नै तेज हवा चलने दा अनुमान जाहिर कीता गेआ ऐ। इने क्षेत्रें च हल्की बरखा दी बी संभावना ऐ।

<><><><><><>